

(欽定)廓爾喀紀畧

卷五十二

欽定 廟商略紀畧

卷一

欽定廓爾喀紀畧卷五十二

四月初九日辛未福康安奏言臣于二月二十三

日赴布達拉叩謁

聖容隨至經堂與達賴喇嘛相見告以廓爾喀滋擾  
藏地仰蒙

聖恩發兵進剿廓爾喀畏懼聲威誠心歸順藏地永

寧又荷

金匱要略卷五十二  
大皇帝指示一切章程現已遵照議定一一奏准此  
係

大皇帝逾格恩慈總爲衛藏地方立法除弊嗣後當  
久遠遵行共資樂利現因卽日起程進京復

命故特面爲諄囑達賴喇嘛聽聞之下稱

大皇帝恩德如天體恤至于此極實爲從古所無感

激之私難喻萬一因臣將次起身頗形依戀復

將佛像送

臣

以其出于至誠不便辭却亦遺贈

銀緞而別

臣

于二十五日自藏起程至十餘里

外達賴喇嘛已先期下山率同濟隴呼圖克圖

及大呼圖克圖噶布倫堪布並闔藏僧俗人等

在彼恭設幄次預備恭請

聖安據稱上年雖已專差喇嘛赴京進表謝

恩然感戴之忱尙未盡達今大將軍自藏回京必應

下山親自跪謝

聖恩不敢僅照尋常禮數惟求到京瞻覲

大皇帝時將我萬分銘感情形代爲面奏叩謝等語

言已竟至泣下因卽跪呈哈達恭請

聖安此係達賴喇嘛向來未有之事知

恩曉事實屬出于至誠再班禪額爾德尼年齒雖幼

聞<sub>臣</sub>將次起程亦先期差伊堪布喇嘛趕赴前

藏備述感激

皇上恩施囑臣面

奏並以佛像致送臣亦以銀緞等物回答合併奏

聞

福康安又奏言自前藏以至打箭爐沿途大山層疊惟丹達山最爲險峻風雪不時向來過往行人每致稽阻且有被雪壓斃者山下建有

神祠靈應顯著經過官員兵丁及該處番民極爲  
敬信此次自軍興以來兵丁調遣至藏以及事  
竣凱旋均當冬令得以安穩遄行臣過山時天  
氣亦值晴明並無阻滯仰見我

皇上威德覃敷百靈助順軍行咸獲神庥伏查丹達  
山遠在邊外向未列入祀典今旣靈貺聿昭合  
無仰懇

聖恩勅加封號

欽賜

御書匾額敬懸祠中從此西南邊徼絡繹梯航行旅  
往來自必益叨靈佑均奏入

上諭內閣曰福康安奏此次官兵赴藏經過丹達山  
均無阻滯山靈助順請加封號並頒懸匾額等語  
丹達山遠在徼外最爲險峻風雪不時此次自軍

興以來官員兵丁調遣至藏以及事竣凱旋均當  
冬令經過該處得以安穩過行毫無阻滯實爲  
神庥佑助靈貺聿昭允宜列在祀典錫之封號著封  
爲昭靈助順山神交該部載入祀典春秋致祭並  
頒去御書匾額交駐藏大臣飭令於山下舊建  
神祠敬謹懸掛以荅休應而示懷柔該部知道

十九日

辛巳

和琳成德奏言

臣

等遵奉

諭旨再於大昭公所會同達賴喇嘛濟隴呼圖克圖  
並喇嘛番目人等傳齊吹忠四人再令其各將  
法術演試並告以內地亦有如爾等託言降神  
預言人家休咎者其人皆能吞刀割肉以示神  
奇然俱係障眼小術不足爲異常官尙且嚴禁  
若並此不能其爲藉詞惑衆無疑尤當重治其  
罪<sub>臣</sub>等向衆人宣示畢當卽授以刀劒吹忠等

俱各恐懼戰慄環跪叩頭僉云刀劍乃戕人之  
具不敢以性命爲戲察其惶懼形狀實堪大噱  
因詰以聞爾等前此託言神降將刀向人亂扎  
既能扎人何以不能自扎嚴加詰問據稱聞得  
前數輩吹忠有將刀自扎之事或者實係神降  
故能如此我等實在不能因復詰以爾等旣無  
法術卽不能降神何得妄言休咎復據吹忠等

回稱凡番民向問年歲豐歉及本年有無痘症  
不過依着經典照例荅之或有時奏巧偶中番  
民等卽傳以爲奇今大人們如此嚴加窮詰屢  
次試驗不敢不據實供明等語其自認實無法  
術全憑空言惑衆惶愧之狀幾乎無地自容凡  
僧俗人衆從旁觀看亦有掩口而笑者臣等隨  
將吹忠之全屬虛假

欽定金本巴瓶之公正可信囑令達賴喇嘛等對衆  
明白宣導據達賴喇嘛亦言吹忠等託言降神  
我等從前信以爲真今日纔知其竟不足信惟  
唐古忒習俗相沿不能家喻戶曉今現已對衆  
節次試演毫無法術蒙

大皇帝頒賜金本巴瓶於宗喀巴前掣簽爲定實屬  
至公至正僧俗無不悅服等語

臣

等看來吹忠

之不足信經此番節次試演不獨達賴喇嘛等  
明知其妄卽當場僧俗人眾亦復共見其詐從  
此可逐漸省悟不至再爲所欺將來遇有呼畢  
勒罕出世現奉

頒發金本巴瓶總以掣簽爲準自可永除從前積弊

惟前後藏地方遼濶

臣

等現在雖用唐古忒字

出示徧加曉諭恐僻遠番民一時不能盡知除

呼畢勒罕一事永遠不准吹忠指認外其餘番  
民患病向吹忠推問吉凶等事只可暫聽土俗  
以仍其舊然經此一番揭破之後其風亦必漸  
次革除現在臣孫士毅惠齡尙在藏內辦理軍  
需奏銷會同試演商酌意見相同奏入

上諭內閣曰前因廓爾喀三音諾彥部落額爾德尼班  
第達呼圖克圖圓寂後其商卓忒巴那旺達什有

意營謀汗王子弟爲呼畢勒罕代求達賴喇嘛拉  
穆吹忠附會妄指已分別治罪並明降諭旨通飭  
各蒙古番衆等矣朕自乾隆八年以後卽誦習蒙  
古及西番字經典於今五十餘年幾餘究心討論  
深識真詮况本朝之維持黃教原因衆蒙古素所  
皈依用示尊崇爲從宜從俗之計初非如元人佞  
佛優禮喇嘛致有詈罵者割舌毆打者斷手之事